

蔡忠惠別記補遺

七



漢書門		10201		
類	號	四	函	架
冊	架	六	函	架

內閣文庫		10201		
類	號	一	函	架
冊	架	八	函	架
冊	架	三	函	架
冊	架	三	函	架

內閣文庫		番號	漢 10201
冊數	312	函號	219
冊數	8	冊數	8



蔡忠惠別紀補遺卷下之下

淺草文庫

明晉安徐

焯興公初編

莆陽宋

珏比玉增補



龍溪顏繼祖繩其攷定

荔品

蔡公詩云荔枝纔似小青梅蓋四月初作四月未

有佳品熟以五月間人不以為貴也又千帖借六

典劉茂才何人藏書乃富於蔡公耶騰本當作騰



疑筆誤或通用也

劉后村集

蔡君謨荔枝譜一卷昔人評其書嚴正方重如土
偶蒙金今無乃類之乎此本棗木刻在閩中故不
能大佳耳白樂天序蘇子瞻詩皆爲荔枝傳神然
彼是巴蜀嶺南荔枝似不足辱二君子語王元美
四部稿
蔡端明荔枝譜舊乃棗板所刻博古賞鑒家重之
若木難火齊此本爲莆人翻鏤者亦不失筆意但
搨不用墨而用烟殊乏光彩耳萬曆壬辰季秋徐
惟起跋紅雨樓集

蔡翰林譜荔枝以宋家香爲上品至和丙申宋氏
老以餉公公謝以詩有並賞昔聞思故友之句注
云嘗同陳太監靖方諫議謹言太卿陛並曾會賞
建炎丁未六月師仁居里有以百顆遺予者并
墨公詩相示蓋去公時又七十有二年矣香味絕
世尚如公言嗚呼向非王氏媼保持之豈使後生
見此高韻耶徐師仁識宋氏家譜
修啟遂爾大暄不審氣體何似承已對謝應已漸
治裝無由詣前日劇瞻企荔枝圖已令崔慤傳寫

自是一段佳事碑文好者前已倒篋今又于東退
簾中得此數十本勒李敷送上因出過門爲幸不
宣修頓首君謨端明侍郎

歐陽文忠集

莆田方氏有荔枝樹結實數千顆欲重其名以二
百顆送蔡忠惠公給以當歲所產止此公爲之目
曰方家紅著之于譜自後華實雖極繁茂逮至成
熟所存者未嘗越二百遂成讖語此段已載遜齋
閒覽中郡士黃處權復志其詳如此

容齋四筆

歐陽公跋荔枝譜曰牡丹花之絕而無甘實荔枝

果之絕而非名花然二者惟不兼物之美故各得
其精余少遊洛陽花之盛處也因爲牡丹作記君
謨閩人也故能識荔枝而譜之因念昔人嘗有感
於二物而吾二人者適各得其一之詳故聊書以
附君謨之末

廬陵別集

唐世進荔枝貢自南方楊妃外傳以貢自海南杜
詩亦云南海及炎方惟張君房以爲忠州東坡以
爲涪州未得其真近閱涪州圖經及詢土人云涪
州有妃子園荔枝蓋妃嗜生荔枝以驛騎傳遞故

君謨譜曰天寶中妃子尤愛嗜涪州歲命驛致又曰洛陽取於嶺南長安來於巴蜀此實錄也後人不須置喙矣

浪齋便錄

楊貴妃生日帝命小部張樂長生殿因奏新曲未有名會南方進荔枝因名曰荔枝香故杜子美病橘詩云憶昔南海使奔騰獻荔枝百馬死山谷到今耆舊悲又解悶詩云先帝貴妃今寂寞荔枝還復入長安則明皇時進荔枝非嶺表明矣蔡君謨云生荔枝中國未之見也九齡居易雖見新實亦

未遇夫真荔枝然則東坡所云永元荔枝來交州天寶歲貢取之涪皆非生荔枝也張君房脞說亦以爲忠州何耶豈未讀君謨譜乎

晚香堂抄

荔枝之於菓仙也佛也斷無一物得擬者江瑤柱河豚腴旣非其倫塞蒲萄楊家菓不堪作奴矣譬於月以爲珪爲鏡爲鈎皆第二月非月體也君謨云非名畫之可得而精思之可述又云剥之凝如水晶食之消如絳雪其味之至不可得而狀也噫不可得而狀乃深于荔枝矣

宋香臺食譜

梁蕭惠開云南方之珍惟荔枝矣其味絕美楊梅
盧橘自可投諸藩溷故東坡詩云南村諸楊北村
盧直與荔枝爲先驅君謨謂一木之實生于海瀕
巖險之遠性畏高寒不堪移植曾不得班于盧橘
江橙小發光彩此譜所由作也

浪齋便錄

蔡君謨守泉日書荔枝譜于安靜堂有鄭熊者亦
記廣中荔枝凡二十五種以附蔡譜之末曰玉英
子曰燠核曰沉香曰丁香曰紅羅曰透骨曰牂牁
曰僧耆頭曰水母子曰蒺藜曰大將軍曰小將軍

曰大蠟曰小蠟曰松子曰蛇皮曰青荔枝曰銀荔
枝曰不意子曰火山曰野山曰五色荔枝

浪齋便錄

嶺南好事作荔枝餽頭取荔枝榨之入酥酪辛辣
以合醬又作簽肉以荔枝肉作椰子花與酥酪同
炒土人大嗜之此荔枝遭劫也卽蔡譜中紅鹽蜜
煎白曬亦是荔枝之厄惟順昌白火酒以荔枝投
之淡旬而出濃艷幽沈如西施醉倚玉牀太真溫
泉出浴用泥頭封固其酒至隔歲開之滿屋作新
荔枝香矣

宋香臺食譜

南海人以黑葉入釀與粵西寄酒并重于江南蔡
譜各製俱備而不知釀法何也豈公嗜茶而不喜
飲耶嘉定程隱士孟陽曾于殷司馬坐中嘗之因
作荔枝酒歌曰君不見杜陵諸侯老賓客左擘輕
紅右拈碧至今浣花詩句中春酒荔枝色相射誰
將巧意相和洩便釀荔枝作春酒重碧輕紅兩有
無萬里瑩然落吾手風流司馬霜鬢鬚玉盤珍羞
十萬鋪天輸尤物慰好事遙從庾嶺飛百壺飲中
予考最下戶一勺分潤詩腸枯銀罌乍發香氣盈

玉杯映色清若無北客浪傳酒如乳吳儂已墮涎
成珠主人貪竒樂更殊金屏笑出如花姝自將風
骨比妍麗羅襦玉膚不用摹韶顏若并化爲酒玉
山共倒誰當扶君不見坡仙流離南海噉百顆一
官爲口誇良圖何如三絕眼前是菓爲醞醪人醜
醜但恨古人不見爾君我不樂何爲乎荔酒之妙
如此而當時蔡公不及余因取而補之 浪樓便錄
公送荔枝與昭文相公帖云襄再拜宿來伏惟台
候起居萬福閩中荔枝惟陳家紫號爲第一輒獻

左右以申野芹之誠幸賜收納謹奉手狀上聞不
宣 容齋隨筆

又一帖與七哥制幹云熟甚不審尊體起居何如
園中荔子新熟分奉四百枚今歲風亭熟皆晚俟
有佳品當馳獻耳五月廿四日襄啟 浪樓襍記

明皇時所謂一騎紅塵妃子笑者謂瀘戎產也故
杜子美有憶向瀘戎摘荔枝之句蓋當時閩品尚
未有聞至今則閩品奇妙香味皆可僕視瀘戎蔡
君謨作譜爲品已多而自後奇名異品又有出于

君謨所譜之外者也

鶴林玉露

宋公荔枝陳紫所從出黃巢兵不果伐但斫一斧
而去今所生荔子其核皆有斧痕蔡譜雖不志怪
余驗之實然樹在宋氏宗祠後至正戊戌六月宋
介夫遺百顆與盧希韓并榻蔡公詩墨一紙盧有
和蔡原韻詩卽其處也國初樹猶在後漸以枯死
而宋比玉屋傍一樹大如車蓋中可坐四五人是
其孫枝云 錢氏閩遊志

宋香乃宋故家喬木也蔡譜品題此居其最靈根

一株生香不斷數百年之風味猶存今宋君對此樹而植斯堂堂成求扁于余因顏之曰品中第一景定壬戌之秋竹溪林希逸書

竹谿集

至正癸卯燕會于宋氏之庭庭有古荔枝樹擅名宋香者世傳舊屬王氏黃巢亂兵欲斧薪之王媪擁樹號泣願與俱死賊憫而止荔子迄今核有斧痕蔡端明亦譜其略時之相去五百餘年樹益向榮根本蟠踞層陰蔽虧叅政公移席其下慷慨懷古酌以卮酒俾予摹寫詠歌之以紀良集八十翁張

師夔書于輒醉齋

宋氏宗譜

莆中名產稱荔枝爲殊品而荔枝之尤者惟陳紫宋香爲特勝蔡公譜彙謂陳紫種出宋氏則宋香較之陳紫又其尤也樹距作譜時已三百禩迄今又不知幾代洪武間相繼奪于戎衛之官宋子孫不克復者凡二十餘載迨永樂初年始返業于宋宋有文用者驟復而喜已而戚然懼其復失也一日持蔡端明墨蹟及張氏師夔所作畫圖來徵記于余永樂乙酉嘉平月林環書

崇璧文集

蔡公譜張老圖宋香品第世絕殊亭亭嘉植榮且
敷巢兵欲斧炊行厨王媪抱樹死與俱尤物幸爾
留根株宋氏老人八十餘得之即此營世居五百
餘禩枝葉舒清陰如幄垂庭除薰風時來蘭麝如
赤日照耀珊瑚珠桃紅籠出玉雪膚斧痕着核留
真模異香奇味天下無有孫文用美且都撫之愛
護如瓊琚故家喬木多摧枯雲仍世守應無虞
江南有佳植託根在庭除扶持王母力珍重端明

和詩集

朱季

書君家忠孝門餘澤尚沾濡子孫貴封植慎勿忘

厥初 林士敏詩

吾莆名菓鮮荔枝君謨有譜世所知陳紫方紅固
為貴宋香品彙尤珍奇六月炎敲日正長纍纍綠
葉垂絳囊薰風微度疎林晚比隣猶覺聞清香核
上儼若斤斧痕茲事奇怪難評論云是當年巢寇
亂欲伐其枝投爨焚皤皤老媪以身庇天然幻出
斯靈異至今又歷數百年後人培植常留意

林希哲詩

恩遇

翰林學士知制誥權三司使蔡襄轉官加食邑制
勅朕祇若先帝之初大賚以勞天下職親禁地之
臣皆先帝所遺以助朕者也其可以後而忘哉具
官蔡襄率德秉義以綏寵祿主國大計功昭于時
班命有章往欽無數可 王臨川集

景祐二年春正月孫奭上無逸圖帝命施于講讀
閣至是又詔蔡襄寫無逸篇于閣屏 通鑑綱目

仁宗遇蔡襄厚曰有子如此其母之賢可知命特
賜冠帔 端明遺事

蔡襄在朝奏醫人李端試國子四門助教不理選
限皇帝勅曰爾從事于醫久矣而吾左右親信之
臣稱爾之行能請一命焉厥有故常以為爾寵其
思淑慎以稱褒嘉可 王臨川集

伯父君謨美鬚髯仁宗一日屬清閒之燕偶顧問
曰卿髯甚美長夜覆之于衾下乎將寘之于外乎
君謨無以對歸舍暮就寢思聖語以髯置之内外
悉不安遂一夕不能寢 鐵圍山叢談

歐陽文忠回杭州蔡端明讓謝到任書云右修啟



蔡忠惠公集 卷下 十一
伏承出領要藩已諧禮上伏惟歡慶某官剛毅體
仁粹明迪哲直道信于中外高風凜乎縉紳頃煩
持橐之清資蓋賴富民之餘術經綸之業蓄素蘊
以未施偃息于藩邈衝懷而自遠雖重違于誠請
實深鬱于輿情諒煖席之未遑卽追鋒而迅召遂
登大用顧匪私言寒律向嚴神襟善嗇瞻凝感著
交集悰靈 歐陽文忠集

仁宗皇帝親書君謨兩字遣使持詔賜蔡襄襄進
古詩一首帝荅詔 蔡氏宗譜

勅祕書丞集賢校理蔡襄可特授知諫院事兼修
起居注國家廣開言路崇設諫垣擇方嚴之蓋臣
登諍諫之清列責任尤重眷懷亦深向非練達民
彝精詳國體利權不能易所守貴勢無以搖其心
則安可邵厥清芬補予闕政以爾朝奉郎侍御史
判三司都理又司輕車都尉賜緋魚袋周歆等謀
猷鯁亮器範冲深並繇博古之文皆握丞題之選
清心蒞局交負幹才議事飛章第揚風采每詢朝
論亟簡朕心宜進官聯往叅諫列爾其勤乃節行

蔡忠惠公集卷之十一
厲于忠誠姑務罄諤諤之辭敷陳而無撓豈宜持
庸庸之計畏避以自安勉膺寵光式遲明效可依
前件勅如右牒到奉行慶曆三年四月六日下
蔡氏

宗譜

莆陽蔡氏家廟記云宗法之廢久矣近代盛時雖
號爲世家大族者其子孫往往散越與凡民等而
况衰亂之世乎同郡端明殿學士君謨公嘗有志
于斯中遭多難未嘗一日而忘今剏重屋上奉得
姓之祖神主又南像其祖之有封在祀典者配以

子孫之功德者十位重屋之下延師其中聚人子
弟同教之時享月薦買田以給費合族人之尊而
年長者祭則繼高祖者主之蓋知本者以明大宗
之事則小宗之遺意也自禍亂以來惟學士公作
斯譜建此堂以尊祖敬宗示將來以遺族人子孫
者可謂遠矣莆陽以忠節顯名皆在其譜云尚書
吏部侍郎同郡葉顥撰 蔡氏宗譜

遺蹟

江陰悟空寺本梁吳才捨宅爲招隱院天聖中蔡

君謨嘗寓居于此有詩畱題壁間後三十五年又有荅葛通議子發詩子發名密江陰人

江陰縣志

宋蔡忠惠祠在莆田縣南廂蔡宅成化六年巡撫都御史滕昭重建弘治七年知府王弼拓建堂廡又贖田地六畝餘水池二口以供祀事嘉靖壬戌兵燬隆慶六年十七世孫賓志豪元旦呈于巡按御史杜化申行郡給祭租贏金重修其子孫皆聚居祠後巷口有忠惠坊

興化府志

莆田縣南廂地名蔡宅宋端明學士蔡襄舊居王

十朋詩云懷章南過鄭公鄉駐馬遙瞻數仞墻丹荔株株經品藻喬松夜夜惠清涼四賢詩出人增氣三諫章成國有光真是濟川三昧手清涼遊戲

作虹梁

梅溪集

僊遊縣蔡忠惠祠在儒學遵道堂之東知縣鄭肇之建

興化府志

二賢祠在莆田城隍廟左成化間巡按御史尹仁建祀宋名賢陳俊卿蔡襄二公

興化府志

蔡端明墓在楓亭蔡山宋勅塋公及夫人於此文

忠公歐陽修銘成化六年都御史滕昭修建饗堂
立碑學士柯潛記正德五年提學副使楊子器重
修七年提學副使姚謨更立神道碑九年叅議鄭
毅置墓祀田

興化府志

朱文公謁端明侍郎蔡忠惠公祠文云惟公忠言
惠政著自中朝筮仕之初嘗屈茲郡歲時雖久稱
思未忘厥有遺祠英靈如在熹雖不敏實仰高風
蒞事之初敬修禮謁謹告

朱子大全

惠安伏馬岩南崑崙山南石室幽絕蔡忠惠公母

盧氏爲邑人忠惠嘗讀書于此

泉州志

真文忠公德秀謁蔡忠惠祠祝文曰惟公兩牧是
邦德政在閩至今未泯其實何人亦叨再至緬懷
遺蹟可效可師朝夕恪恭庶幾萬一

西山文集

謁蔡端明文惟公以忠言惠政著于中外至和之
世實自畿甸來守此邦以便親輿之奉流風善政
人到于今稱之某之視公無能爲役然間者九重
假寵之意明著訓詞實用仁祖命公故事顧惟不
佞將何以堪之惟當仰止高風以庶幾其萬一英

靈如在尚聞斯言

西山文集

顧大典爲閩督學使者過萬安橋謁蔡端明祠云
滄波欲盡海雲垂千尺晴虹挂水湄寂寞寒潮自
來去行人惟說蔡公祠魚子腥聞山市近礪房寒
浸海潮生日暮驅車橋上過斷腸秋色似江城顧
吳江人吳江有垂虹橋長顙萬安故云

顧公遺稿

忠惠坊在蔡宅宋蔡襄舊居于此郡爲立坊以其
謚名國朝成化間巡撫都御史滕昭重建上二坊
在府城西南南廂

通志

仁宗朝公以便養知泉州架洛陽橋先是公爲閩
部使者夾道種松以蔽鼓毒閩人卽橋傍作堂以
祠之又作詩二章俾歌以祀公一日道邊松大義
渡至漳泉東問誰植之我蔡公歲久廣蔭如雲濃
甘棠蔽蒂安可同委蛇天矯騰蒼龍行人六月不
知暑千古萬古長清風一日洛陽橋一望五里排
琨瑤行人不憂滄海潮衝衝往來乘仙飈蔡公作
成去還朝玉虹依舊橫青霄考之溱洧功何遠千
古萬古無頃搖

方輿勝覽

徐節孝先生輓蔡學士詩四首其一
斗分星孤隕
虞廷鳳不還
金龍拋使節
玉筍誤朝班
世德元明
後家聲
王謝間
國功圖未卒
歸老負江山
其二
命也雖亡矣
但須銘此墳
朝中尋故事
江外訪遺文
遠思歸流水
高風寄白雲
忠魂在斯否
義亦不忘君
其三
舊業儒編富
新裝使索空
潔身辭白日
隨柩載清風
義與人心在
名須江水窮
諸山同峴首
有子勝羊公
其四
且止明旌住
玄堂自閉關
素絲蒙柩往
白堊洗車還
身後千詩在
生前萬事閒
松

陵哀怨客來吊自湖山

節孝文集

曹學佺過萬安橋謁蔡忠惠祠云
功成前太守
行者每咨嗟
石峻猶成堡
潮平祇似槎
奔星閱車馬
成市集魚蝦
獨爲看碑入
祠傍日易斜

石倉集

徐燏過洛陽觀造橋碑云
路盡平疇水色空
飛梁遙跨海
西東潮來直湧千
尋雪日落斜橫
百丈虹郊野尚畱棠
樹綠歲時猶薦荔枝
紅行人幸不爲魚鱉
細看豐碑利涉功

紅雨樓集

徐燏謁蔡忠惠公墓云
松栢蒼蒼翳古塋
行人猶

說宋端明六陵骨朽冬青死落日寒雲空汴城雨

樓集

王十朋過洛陽橋云北望中原五里遙南來喜見

洛陽橋人行跨海金鰲背亭壓空江玉虹腰功不

自成因砥柱

中流有

患宜預備有風潮

紹興戊午嘗為颶風

暴雨所壞

蔡公力量真剛者遺愛勝於鄭國僑

王梅溪集

王十朋謁蔡端明祠云公昔自禁從再來臨此邦

河梁一何壯筆力獨能扛政績畱南紀祠堂枕大

江山川與人物今古兩無雙

王梅溪集

陳傅良題洛陽橋云跨海為橋布石牢那知直下

壓靈鰲基連島嶼規模壯勢截淵潭氣象豪鍊馬

著行橫絕漠玉鯨張鬣露寒濤縑圖已幸天顏照

應得元豐史筆褒

止齋集

縣之北三里有故家為林氏門安綽楔出南郭可

五里端明蔡公有舊第熟視雙闕者不覺歛容過

蔡公之門或立馬低回不忍去夫以南北通塗數

里中乃得此若求之井邑聚落所得又益多此圖

經所由出也

林艾軒集

興化府治西南有壺公山古讖曰水遶壺公山莆
陽方好看壺公山欲斷莆陽朱紫半蔡君謨興水
利灌民田引水遶壺公山而登第者比前爲多繼
而李宏築陂以興水利鑿山而濬遂多通顯故雖
山川之形勝亦若有造物以尸之者世運盛衰于
此乎見 搜神秘覽

劉屏山先生過洛陽橋詩曰跨海飛梁疊石成曉
風十里度瑤瓊雄如建業虎城峙勢若常山蛇陣
橫脚底波濤時洶湧望中煙嶼晚分明往來利涉

歌遺愛誰復題橋繼長卿

屏山集

陳仲溱謁蔡端明墓云鬱鬱佳城雲不開峩峩華
表鶴空回銀魚隱見藏丘隴石馬荒涼臥草萊望
斷楓亭勞下拜讀殘荔譜轉堪哀千秋忠惠名猶
在却恨端明殿已灰

陳惟秦集

馬欵謁蔡忠惠墓云野蒿秋草翳殘碑落日烏啼
宰樹悲來往行人知下馬感恩都在過橋時又過
洛陽橋謁祠云長橋高跨覺天低千尺洪濤響拍
堤海岸沈雲迷遠近石城依島接東西日含暮色

盤龍影風吼寒聲亂鳥啼遺廟丹青千古在行人
爭看碣中題

馬季聲集

僊遊楓亭驛在縣南五十里唐爲風亭館宋嘉祐
間增建廳事名太平驛端明蔡襄爲記元改楓亭

驛

興化志

洛陽橋中流一小石山列以亭館可供遊玩月之
夕風之晨溪注潮生景物竒絕東南一大觀也撫
景擊節成一歌曰洛陽之橋天下竒飛虹千丈橫
江垂西有滾滾萬壑流波之傾注東有瀕灑澎湃

潮汐之犇馳石梁亘其上震齧永不移千秋萬歲
功利溥直與天壤無休期巍然巨石中流峙羣神
百靈共栖止約束濤浪鞭蛟螭雄鎮東南數千里
遙望扶桑海日升山頭松栢常青攬衣登躡還
四顧使我醉眼惺然醒天空雲滃滃滄海濶東風吹
雲海水裂宇宙神物能有幾如此大觀亦稱絕蓬
萊仙闕蛟人宮夜半仙人騎玉龍倘于石上求竒
事爲言狂客畱題處

凌登名榕城隨筆

公刺泉美政不可殫述最昭昭畱人耳目者惟所

造萬安渡石橋與當年勒岸左書記一百五十二
字至今如新河洛之思已足不朽况今得公之全
集以行於世也余獨怪公之文可廁歐蘇曾王之
間乃散佚漫患幾不復傳宋乾道世公歿未遠王
梅溪公來守泉過莆入晉訪公遺文則郡與學皆
無之亦得之莆陽世家乃授鉞事與蔡伯達公今
日舉合轍梅溪公檢之當代之年蔡公表章隔世
之後梅溪公與公同官同地蔡公與公官同地同
姓同人謂蔡公爲公後身斯集之傳神授非耶

黃論

德雙甕齋文集序

述異

蔡君謨作福州守日有一書生投詩來謁云遠入
青青疊疊峰峰前真宰讀書宮半岩冷落高宗雨
一枕淒涼吉甫風烟鎖豹眠閒霧露井凋鳳宿舊
梧桐九龍山下英雄氣盡屬君家世胄中君謨異
之尋令人伺其所歸至一山下忽不見四顧無人
惟一社屋爾意其社神

墨莊漫錄

蔡君謨知福州以疾不視事者累日每夜中卽夢

登鼓角樓憑樓而睡通判有怪鼓角將累日不打
三更者因對數夜有大蛇盤據鼓上不敢近君謨
既愈與通判言所夢正與鼓角將所說同遂以君
謨爲蛇精

東齋記事

景祐三年五月癸卯日君貺公期道滋先來登祥
源東園之亭公期烹茶道滋鼓琴余與君貺奕已
而君謨來景純穆之武平源叔仲輝損之壽昌天
休道卿皆來會飲君謨景純穆之壽昌遂畱宿明
日子野始來君貺公期道滋復來子野還家餘皆

畱宿君謨作詩道滋擊方響穆之彈琴秀才韓傑

居河上亦來會宿

歐陽公于役志

某自南行所幸老幼皆無病恙風波不甚惡凡舟
行人所懼處皆坦然而過今至此嚮夷陵江水極
善亦不越三四日可到久聞好水土出粳米大魚
梨栗柑橘茶筍而縣民一二千戶絕無事罪人得
此爲至幸矣祗是沿路多故舊相識所至牽率又
少使人作書入京公期始約今冬赴絳州必非久
行矣每憶君謨家會頗如夢中未知相見何時惟

自愛而已

歐陽公與薛公期書

歐陽永叔與劉侍讀原父書云蔡君謨自南歸幡然一叟相見惟互相驚歎而已西齋自去逮今遂不復啟其他可知也

歐陽文集

福州幽岩寺千人麪床君謨作帥因聖節遣人昇置使厨久之院僧禱護伽藍神春會動無麪床何以聚衆施利不至神亦何依一夕公獨坐便齋神聲諾而不見形問何人神對幽岩每歲恃春會以贍衆願請麪床以歸公領之明日公庫中夜失麪

床令問幽岩果已還院莫不異之

泊宅篇

盱江李覲一日與處士陳烈同赴蔡君謨飲時正春妓皆在後圃賣酒君謨因命以佐飲烈已不樂酒數行衆妓方歌烈踰墻而遁覲座上賦詩有山鳥不知紅粉樂一聲檀板便驚飛之句後烈聞之遂投牒云李覲本無士行輒造賓筵詆釋氏爲妖狐指孟軻爲非聖按聖經云非聖人者無法合依明教肆諸市朝君謨覽牒笑謂來者云傳語先生今後不復使弟子也

道山清話

蔡君謨嘗夢爲虎所逼有一人救之虎旣去與之
坐曰公貴人也但頭角不正手爲按之曰骨已正
矣翼日李士寧道人謁君謨謂曰夜夢頗驚惶否
君謨愕然視其狀乃夢中逐虎正骨者遂叱之此
蓋方術家幻惑人之事爾

江寧志

陳亞少卿維揚人善詩什滑稽尤甚嘗遇蔡君謨
于金山僧舍酒酣君謨題詩屏間曰陳亞有心終
是惡卽索筆對曰蔡襄無口便成衰

唐宋遺史

陳襄鄭穆與陳烈周希孟皆閩人以鄉行稱閩人

謂之四先生烈尤爲蔡君謨所知嘗與歐陽文忠
公共薦于朝由是知名然烈行怪多僞蔡君謨母
死烈往吊其家匍匐而進人問之曰此詩所謂凡
民有喪匍匐救之者也

石林燕語

曾魯公慶曆間道杭州至天竺瞻禮中途見衣素
婦人謂同行僧元達曰上座同曾舍人來耶舍人
五十七入中書語訖不見已而如其言實觀世音
靈現也旣而蔡端明襄出守杭州曾公以錢十萬
爲扁求蔡公書靈感觀音院

咸淳臨安志

至和元年四月二十日夜夢蔡紫薇君謨同在閣
下食櫻桃蔡云與君及此再食矣夢中感而有賦
覺而錄之朱櫻再食雙盤日紫禁重頒四月時滉
朗天開雲霧閣依稀身在鳳凰池味兼羊酪何由
敵豉下尊羹不足竒原廟薦來應已久黃鶯猶在
最深枝

宛陵集

蔡君謨守福州上元日令民間一家點燈七盞陳
烈作大燈長丈餘大書云富家一盞燈太倉一粒
粟貧家一盞燈父子相對哭風流太守知不知猶

恨笙歌無妙曲君謨見之還輿罷燈

晁氏客語

閩中洛陽橋圯發石有刻文云石頭若開蔡公再
來鄞人蔡錫者永樂癸卯鄉試中式入胄監仁廟
以學行授兵科給事中陞泉州知府錫至欲修橋
橋跨海工難施錫無可爲計欲以文檄海神忽一
醉卒趨蹠而前曰我能齋檄往復乞酒飲大醉自
没于海若有神擎捧之者俄而以醋字出錫意必
八月二十一日酉時也遂于是日舉工潮旬餘不
至工遂成語載錫本傳中此實事也人不知而以

事附蔡端明且以為傳奇中戲妄之語非也後錫官至都御史以才廉聞

薛氏筆語

吳興蔡伯達先生名善繼萬曆末年出守泉州刻公遺稿于雙甕齋自為序曰不佞繼初令莆陽為公故里得納交于公之子孫茲守是邦為公舊遊得領公之遺子而撫臨之而又與公同姓雖彭城不譜弘農瑯琊不譜太原繼何敢妄自攀附然於公不可謂無夙緣公之盛德大業懿謨風政愧無能適求光大公之遺文不可當吾世令湮沒而不

傳 雙甕齋集序

逸編

蔡忠惠公云事父母之道曰孝天之性也事君上之道曰忠人之義也猶耳目心腹有身則有之非外物也邇代以旌賞勸其孝爵祿勸其忠則孝非天之性忠非人之義矣猶無耳目心腹豈為人歟乃亦若鷺白鳥玄蓋物之本然也苟染而色之何可長也惟忠與孝待勸而行詎至孝至忠乎夫忠孝者感天地動鬼神故有冰魚寒筍之事返風起



禾之應或飾名沽譽雖勸諸亦可捨諸則三五之
世忠孝多由於性三五之後忠孝多由於勸也勸
之尚不能况不勸乎

自警編

公跋唐榻賜本蘭亭帖云蠟本雙鈎之法世皆不
傳惟唐翰林院所摹帖中用之此蘭亭蓋當時榻
賜侍臣者卷首尾三印曰賜書翰林院文字延資
庫之印又有一時官吏署銜名其詳審如此決不
失真矣嘉祐元年正月望莆田蔡襄題

蘭亭考

蘭亭摹本秘閣一本蘇才翁家一本周越一本有

法度精神餘不足觀也石本惟此書至佳淡墨稍

肥字尤美健可愛或云出於河北李學究家今王

公和所藏也蔡襄

蘭亭考

公與李太白書云襄頓首啓襄才識不能過人天
子悞知擢直諫列每自念孤賤之迹旁無尋尺之
助一旦名徹萬乘而收錄之此宜如何報効也示
及庸奴非所謂難言但未得其詳耳足下業已發
之當爲究之至詢他人果詐不虛必逃去矣就令
不逃必生奸計莫如密得其詳擿之以寘于法于

時不爲無補行路疲憊草草裁荅足下取其意略
其禮也襄頓首啟二十三日夜

盱江外集

襄啟近承從者之勞過臨海郡適以久疾無悰爲
禮疎略遽此離間豈勝慙跂春寒道上愛護爲佳
不宣襄頓首李君足下二十日

盱江外集

與知郡司門十一月二十八日襄頓首別已經年
每踈馳問但極瞻跂之懷人至承書窺攬詞意豈
勝感著夏聞郡事清閒總適神情自有高趣仰羨
仰羨郊燔甫近天氣變寒惟眠食珍攝副此遠想

不具襄再拜

帖選

僕自四月以來輒得脚氣發腫入秋乃減所以不
辭北行然于湖山佳致未忘耳三衢蒙書無便不
時還荅慚惕慚惕此月四日交印望日當行襄又
上 停雲館帖

公跋范文度模本蘭亭叙云右軍蘭亭最著今世
尚有搨本秘閣一本蘇才翁一本周越一本猶有
氣象存焉今觀撫倣蓋得之矣嘉祐壬寅五月廿

六日莆陽蔡襄

集古錄

公跋隋丁道護啟法寺碑云此書兼後魏遺法與
楊家本微異隋唐之交善書者衆皆出一法道護
所得最多楊本開皇六年去此十七年書當益老
亦稍縱也甲辰治平初月十日莆陽蔡襄記

書譜

公爲歐陽文忠公跋石鼓文云嘗觀石鼓文愛其
古蹟物象形勢有遺思焉及得原甫鼎器銘又知
古之篆字或多或省或移之左右上下惟其意之
所欲然亦有工拙秦漢以來裁歸一體故古文所
見者止此惜哉治平甲辰正月莆陽蔡襄

書譜

澄心堂紙一幅濶狹厚薄堅實皆類此乃佳工者
不願爲又恐不能爲之試與厚直莫得之見其楮
細似可作也使人只求百幅癸卯重陽日襄書

古香

齋帖

襄拜今日扈從徑歸風寒侵人偃臥至晡蒙惠新
萌珍感珍感帶胯數日前見數條殊不佳候有好
者卽馳去也襄上公謹太尉閣下

又

牯犀作子一

副可值幾何欲托一觀賣者要一百五十千

停雲館帖

襄啟暑熱不及通謁所苦想已平復日夕風日酷

煩無處可避人生韁鎖如此可歎可歎精茶數片

不一一襄上公謹左右 停雲館帖

蒙惠水林檎花多感天氣暄和體履佳安襄上公

謹太尉左右 古香齋帖

襄再拜伏承縣君吉葬有日襄以行路并亡男齋

僧赴期不及謹遣州校少持非禮聊以伸親戚之

好殊非豐腆深自為愧謹奉手狀咨聞旦夕前行

此不一一襄上郎中七兄左右 幻閣帖

分及果實多感多感吳菱三十枚吳中謂之折腰

菱附去襄上太保足下 古香齋帖

襄啟自離都至南京長子勾感傷寒七日遂不起

此疾南歸殊為榮幸不意災禍如此動息感念哀

痛何可言也承示及書并永平信益用悽惻旦夕

度江不及相見依詠之極謹奉手啟為謝不一七

月十三日襄頓首杜君長官足下 古香齋帖

魯公末年告身忠賢不得而見也莆陽蔡襄齋戒

以觀至和二年十月廿三日 古香齋帖

子敬能作方丈字觀其細書巧妙方丈不足為大

令右軍法雖同其放肆豪邁夫令差異古人用功
精深所以絕迹也治平三年三月廿八日襄

跋洛神賦

襄啟大研盈尺風韻異常齋中之華繇是而至花
盆亦佳品感荷厚意以珪易邽若用商於六里則
可真則趙璧難捨尚未決之更須面議也襄上彥
猷足下甲辰閏月廿一日

幻閣帖

自到軍城此兩日出入兼爲尋地去一兩處然未
甚安只是疲乏欲趁未赴任閒了却葬事又難得
地極是縈心也五娘子謝得衣物郡太尚在風亭

未來暑熱且好將息吾病勢亦當漸退不要憂心

書送大姐

又

萊州角石畫尊十隻北席一領寄去

外祖端明墨妙計七紙東山謝峒家藏

古香齋帖

襄再拜京府叢碎蚤夜不遑瞻仰門祭情誠雖勤
記牘之禮殊爲曠闕近者伏承移鎮并門寄倚固
重想在私庭迎侍非便襄畱京四年出入省闈不
爲不久何嘗不以禪國致君爲念才薄智窮無助
萬一奉親還家庶幾伸人子之志耳已蒙朝恩遂
請尚遷職名方辭避未知允否得舟舩即便離都

遁居海濱無復來期瞻望台座不勝傾依之至不
宣三月廿六日襄上宣徽太尉閣下

看鏡樓帖

襄啟秋暑猶盛不審動止佳否葉遷回正旦蒙示
書信感荷之至門中休豫老親已下各得平善省
廷日來事緒漸簡今夏病軀全獲輕安鄉親未及
一一通書因會集為言懸懸不宣襄啟親家茂才

足下七月十二日

看鏡樓帖

襄泣血言逆惡深重扶護南歸死亡無日不可循
常禮不通誠意於左右今至富陽平安明日登舟

或雨水少增當舟行至三衢也襄素多病遭此荼
毒就令不死足膝日甚氣力日衰亦為廢人豈復
相見耶辱君知愛之心不殊兄弟一令哀痛哽塞
何言比在道程頓官員勾當齊整無一闕乏感惕
感惕襄叩頭子發郎中足下十二日

王弇州家藏帖

襄啟去德于今蓋已游歲京居鮮暇無因致書第
增馳系州校遠來特承手牘兼貽楮幅感戢之極
海瀕多暑秋氣未清君侯動靖若何眠食自重以
慰遐想使還專此為謝不一不一襄頓首知郡中

舍足下九月八日

古香齋帖

襄得足下書極思詠之懷在杭留兩月今方得出
關歷賞劇醉不可勝計亦一春之盛事也知官下
與郡侯情意相通此固可樂唐侯言王白今歲爲
游閩所勝大可怪也初夏時景清和願君侯自壽
爲佳襄頓首通理當世屯田足下

浪齋帖

襄啟近曾明仲及陳襄處奉手教兩通伏審動靜
安康門中各佳喜慰至虹縣以汴流斗涸遂寓居
餘四十日今已作陸計至宿州然道途勞頓不可

勝言尚爲說者云渠水當有涯計亦不出一二日
或有水卽假輕舟徑來卽無水便就驛道至郡乃
有期耳閩吳大屏皆新除想當磐留少時久處京
塵無乃有倦游之意耶路中誠可防虞民饑鮮食
流移東方然在處州縣須假衛送老幼並平善秋
涼伏惟愛重不宣襄頓首郎中尊兄足下謹空八

月廿三日宿州

幻閣帖

襄啟入春以來屬少人便不得馳書上問唯深瞻
想日來氣候陰晴不齊計安適否貴屬亦平寧襄

舉室幸安去冬大寒出入感冒一身百病交攻難
可支持雖入文字力求丐祠今蒙恩復供舊職
恐知專以爲信前者銅雀臺石研十三兄欲得之
可望寄與旦夕別尋端石奉送也正月十八日襄
頓首公綽仁弟足下大餅極珍物青甌微粗臨行
邑邑致意不周悉謹空

古香齋帖

襄啟中間承勞紆問適會疾未平殊不從容示書
兩通知煩指幹新第有未備且與鑄鑰却候別作
一番併了之四人園子只與門下每人一間

幻閣帖

襄上一哥制幹連日山中從容至適所無也遽別
益用懷企是晚亦得下山方念走訊而專帖已墮
前矣河豚甚富甚鮮與諸人大嚼無不贊美市賈
甚寯爲帑人累爲有媿耳香餅巴脯方糖霜餅範
皆遣去幸視入宰座處極荷重言亦已從郡中投
詞以應之矣見鏹頓有隨冶無之芥拾菴中固嘗
與言矣大儒欠通世務未易救療爲可惜耳一事
日屬心至達其中無曲折云

浪談便錄

李西臺去唐未遠猶有唐人餘風歐陽公居然見

文章之氣蔡端明如周南后妃容德兼備蘇子美
如古之任俠氣直無前東坡如之態當道百獸畏

狀趙子昂評書

昔黃去幸厥人幸望氣蘇荷重言亦以之巽濬中之
甚富然之人累為之百獸耳香辨之出之巽濬之巽濬之
前矣之何祖甚富甚之翰與之前人大之曾無不贊美市買
益日之對金長之艱亦之縣下山之丈念去之信而之專之計之日之望
其之上之一之得之歸之梓之輿之日之山中之巽容之至之巽之浪之無之也之巽之望

